

實修實正美牆若通開也能信寧懼其蒙凡我  
友生實踐斯蹤不腆之賦用佐餐養司會司餽  
有司是供無傷薪木以永磨礱願言  
千禩道化是醲敢告來者克成厥終

國朝

李愔詠王粲宅

鄴下多才子登樓數仲宣羈棲  
聊賴曲家世本秦川綺陌春風

麗朱門夜雨懸後來  
憑弔者還誦灞陵篇

陳聯壁游龍旋寺

朝來秋氣爽重眺紫雲山木  
石僧為伴溪流人自閒法華

齊梵語蘭若即松關正欲開樽酒丹崖杖錫還  
○古寺同登口清秋野望時看山惟酌酒移竹  
且圍碁雨霽鐘聲早雲來月上  
遲石牀與藜杖嬾性頗相宜

彭纘秋日衙齋讌集言懷

清風當晝自南來小  
院閒亭面面開白雪

驛前佳客至蟠龍月底彩雲迴藥欄正欲三時  
雨秋浦還傾一葉杯烽燧何時消骯髒年華未  
許髮相催

莊鱗九日賦歸

琴鶴相携志弗酬清風兩袖賁  
鳴騶霜花有意迎朝發更酒無

心泛夕流窮蔀不堪悲滿目  
皇恩未許過  
三秋優游此日歸非晚鴛水湖頭把釣鈎

李森先汝南道中

土沃曾傳古那堪一望墟只  
今猶策馬何日得休車哀痛

惟民命祗承有  
簡書勞  
深無小補空愧賈公渠

張瑞徵登賢山遠眺

久擬此登臨驅車到石林  
溪流抱郭近徑轉入山深

古洞凌千仞長松俯十尋香臺人跡少空翠落  
庭陰○為訪招提勝高峯逐處攀雲來天作幕  
樹擁石為閑遠水通淮甸蒼烟半  
楚山漁樵隨意得真媿野人閒  
戊戌申陽署